



# FAZAKKIR

e-Tazkirah | Bil. 37 | Oktober 2024 - Rabi'ul Akhir 1446H

## DEMI MASA...

## وَالْعَصْرِ



**"Demi masa (1) Sesungguhnya manusia itu berada dalam kerugian (2) Kecuali orang-orang yang beriman dan beramal soleh. Dan berpesan-pesanlah dengan kebenaran dan berpesan-pesan dengan kesabaran(3)"**

(Surah al-'Asr : 1-3)

- Surah al-'Asr merupakan surah yang ringkas tetapi sangat padat dengan pengertian dan amat sempurna. Al-Imam Al-Syafie RH menyatakan bahawa jika Allah SWT hanya menurunkan Surah al-'Asr tanpa menurunkan surah-surah yang lain, ia sangat memadai jika manusia memahaminya dan mengamalkannya dengan baik.
- Allah SWT tidak akan bersumpah dengan sesuatu perkara melainkan ia menunjukkan perkara itu amat signifikan dengan kehidupan dan panduan manusia. Allah SWT bersumpah dengan masa supaya manusia sentiasa ingat dan berhati-hati dengan peredaran masa. Masa yang beredar tidak akan dapat dikembalikan. Perkara yang telah lepas sudah menjadi kenangan dan nostalgia.



Imam Hasan al-Basri pernah memberi peringatan berkenaan kehidupan. Beliau menyatakan hidup manusia hanya tiga hari :

- ✓ **Kelmarin yang tidak mampu kita mengubahnya.**
- ✓ **Hari esok yang tidak pasti lagi sama ada milik kita atau tidak.**
- ✓ **Hari ini yang merupakan kesempatan yang ada untuk melakukan amal soleh.**

**الوقت كالسيف**  
 إن لم تقطعه قطعك  
 Hakikatnya, masa merupakan makhluk Allah SWT yang amat unik. Pepatah Arab menyebut, **"Waktu ibarat pedang. Jika kamu tidak memotongnya, ia akan memotong kamu"**.

Diterbitkan oleh Unit Hal Ehwal Islam  
UiTM Cawangan Selangor